

Verði ágreiningur út af ofangreindri sameiningu skal úr honum skorið af sýslunefnd Norður-Ísafjarðarsýslu.

Þetta tilkynnist yður, herra sýslumaður, til frekari aðgerða og birtingar þeim, sem hlut eiga að máli.

Félagsmálaráðuneytið, 30. desember 1963.

F. h. r.

Hjálmar Vilhjálmsson.

Hallgrímur Dalberg.

GJALDSKRÁ

fyrir Rafmagnsveitu Reykjavíkur.

I. KAFLI

Gildissvið.

1. gr.

Gjaldskrá þessi gildir fyrir orkuveitusvæði Rafmagnsveitu Reykjavíkur.

II. KAFLI

Heimtaugargjöld.

2. gr.

Heimtaugargjöld skulu greidd samkvæmt eftirfarandi töflu:

Liður nr.	Málstraumur málaun	Jarðstrengur	Jarðstrengur		Loftlína	
			Lágmark kr.	Yfirlengd kr./m	Lágmark kr.	Yfirlengd kr./stólpa
1	25 A	1-fasa			2400	2800
2	60 A	—	3700	240	2800	3200
3	100 A	—	4900	290	3600	4000
4	25 A	3-fasa			2800	3200
5	60 A	—	4900	290	3600	4000
6	100 A	—	6600	330	4800	5000
7	200 A	—	13200	500	9600	6000
8	350 A	—	23100	750		
9	150 kVA	—	26500			
10	300 kVA	—	53000			
11	500 kVA	—	88500			

Málstraumur, A, merkir ampére. Málaun kVA, merkir kílóvoltampere (sérspennistöð).

3. gr.

Lengd jarðstrengsheimtaugar reiknast frá lóðarmörkum við götu stytztu leið að varkassa.

Lengd loftlínuheimtaugar reiknast frá stólpa í notendalínu við götu stytztu greiðfæra leið að varkassa.

Sé um óskipulagt svæði að ræða eða aðstæður óvenjulegar, er heimilt að krefjast sérstaks aukagjalds af húseiganda.

4. gr.

Sá nauðsynlegt að setja upp spennistöð vegna ákveðins notanda og hún að mestu leyti notuð í þágu hans, skal notandanum skylt að leggja til lóð undir stöðina rafmagnsveitunni að kostnaðarlausu, og skal hann í öllu hlíta skilmálum rafmagnsveitunnar um stærð lóðarinnar og staðsetningu stöðvarinnar.

5. gr.

Heimtaugargjald skal greitt við umsókn.

III. KAFLI

Mælaleiga.

6. gr.

Rafmagnsstjóri ákveður stærð og gerð mælitækja, sem notuð eru á hverjum stað í sambandi við sölu á raforku.

Ársleiga eftir mælitæki skal vera sem hér segir:

Tegund mælitækis:	Upp að 30 amp. kr.	35—50 amp. kr.	55—100 amp. kr.	Yfir 100 amp. kr.
Einfasa, kwst.mælar, hemilmælar, hemlar og lausar skiptiklukkur einar sér	36			
Þrífasa kwst.mælar, þrífasa hemilmælar, einfasa frádráttarmælar, lausir	78	132	153	252
Tvígjaldsmælar, mestumælar	132	153	240	384

Ársleiga eftir önnur mælitæki skal vera sem næst 15% af verði viðkomandi tækis eftir nánari ákvörðun rafmagnsstjóra.

Ekki skal greiða leigu eftir mæla, sem notaðir eru skv. 1. ml. 2. tl. 8. gr.

Leiga skal greidd samtímis gjaldi fyrir raforku.

IV. KAFLI

Sala raforku.

7. gr.

Verð á raforku til lýsingar skal ákveðið svo sem hér segir:

1. Kr. 4.00 hvert kwst., sem seld er um kwst.mæli.
2. Kr. 550.00 hvert árshektóvatt, sem selt er um hemil eða hemilmæli, enda standi hemilstillingin ávallt á heilu hw og sé bil milli tveggja stillinga eigi minna en 10% hinnar hærrí. Umframnotkun skal seld skv. 1. tl. Heimilt er að selja raforku til útilýsingar skv. þessum lið, þótt mælitækjum verði ekki við komið, svo og rafmagn til götulýsingar, enda greiði þá notandi að auki viðhaldskostnað að fullu.
3. Kr. 1.06 hver kwst., sem seld er um kwst.mæli. Auk þess ber þá að greiða fastagjald, er nemi kr. 550.00 á ári fyrir allt að 25 ferm. gólfplatarmáls rýmis þess, er lýsa skal og kr. 17.00 fyrir hvern ferm. umfram 25 ferm. Fyrir ganga og geymslur skal fermetragjaldið vera þriðjungur af framangreindu fastagjaldi.
4. Kr. 114.00 hvert árshw., og öll notkun kr. 1.06 kwst., ef um meira en 2.5 kw.afl er að ræða og árlegur notkunartími meiri en 600 klst. Verði aflmælingu, skv. þessum lið ekki beitt, skal reikna fyrir hvern fermetra gólfplatarmáls 15 wött á kr. 69.00 árshw.

Nú er notuð lýsing með flúrlömpum, og er þá heimilt að miða gjald skv. 1.—4. tl. við volampére í stað watta.

8. gr.

Verð á raforku til almennrar heimilisnotkunar skal ákveðið sem hér segir:

1. Raforka til ljósa um sérmæli, skal seld skv. 1. tl. 7. gr., en raforka til heimilisvéla um sérstakan mæli skal seld kr. 1.00 kwst., og er heimilt að selja til notkunar í skrifstofum, verzlunum og verkstæðum, raforku skv. þessum lið, en þó ekki fyrir 3-fasa hreyfla.
2. Kr. 0.87 hvert kwst., sem seld er um kwst.mæli og auk þess fastagjald kr. 84.00 á ári af hverju íbúðarherbergi. Heimilt skal að selja til notkunar í veitingahúsum, gistihúsum og öðrum slíkum stöðum raforku til suðu, skv. þessum lið, enda sé þá selt um sérmæli, en herbergjagjald ekki reiknað. Sama gildir um sölu á raforku til súgþurrkunar á heyi.
3. Kr. 2972.00 hvert árskw., sem selt er um hemilmæla og auk þess kr. 0.82 hver kwst. fyrir umframnotkun. Hemilstillingin skal vera minnst 500 wött að viðbættum 100 wöttum fyrir hvert íbúðarherbergi umfram tvö. Heimilt skal að selja skrifstofum, verzlunum og verkstæðum raforku skv. þessum lið, þó eigi fyrir 3-fasa hreyfla. Stilling hemils skal þá miðuð við 500 wött fyrir fyrstu 25 ferm. gólfflatar eða minna, og síðan 100 wött fyrir hverja 12 ferm eða minna. Beita skal 3. tl. 7. gr. við ákvörðun gjaldsins, en ef óskað er hærri hemilstillingar en um getur í þessum tölulið, þá 2. tl. 7. gr.
4. Kr. 0.75 hver kwst., þegar orkan er seld sjúkrahúsum, heilsuverndarstöðvum, vistheimilum fyrir börn og elliheimilum. Taxti þessi tekur ekki til starfsmannabústaða þeirra, sem eru utan aðalbygginga viðkomandi stofnunar.

9. gr.

Verð á raforku til vélareksturs skal ákveðið svo sem hér segir:

1. Kr. 2.00 hver kwst., sem seld er um kwst.mæli. Lágmarksárgjald skal þó vera kr. 1350.00, en þó aldrei lægra en kr. 460.00 á ári fyrir hvert uppsett kw. í málraun véla. Heimilt er að selja orku eftir þessum lið með fastagjaldi fyrir vélar og reikna kr. 860.00 á uppsett árs kw., en auk þess skal greiða kr. 1.00 fyrir hverja kwst.
2. Ef raforka er seld um mestu-mæla fyrir mesta notað afl, skal greiða fyrir notkunina svo sem hér segir:

Kr. 670.00	á	árskw.	fyrir	fyrstu	50	kw.
—	560.00	—	—	—	næstu	50
—	450.00	—	—	—	100	— og meira.

Auk þess skal greiða gjald sem hér segir:

Fyrstu 200 000 kwst. ársnotkun á kr. 0.34 hver kwst. Umfram 200 000 kwst. ársnotkun á kr. 0.25 hver kwst.

3. Kr. 2170.00 fyrir hvert árskw., sem selt er um hemilmæli, og kr. 1.06 hver kwst., sem umfram er.
Rafmagnsstjóri ákveður stillingu hemilmælis hverju sinni. Raforku til hitunar í iðnaði má selja skv. þessum lið.
4. Kr. 2.10 fyrir hverja kwst., sem seld er til vinnuvéla, vinnuljósa og annarra nota við húsbyggingar, meðan á framkvæmdum stendur.

10. gr.

Verð á raforku til hitunar skal ákveðið sem hér segir:

1. Kr. 0.43 hvert kwst., seld um kwst.mæli, enda sé lágmarksnotkun 10000 kwst. á ári.

2. Kr. 0.37 hver kwst., sem seld er um kwst.mæli, ef straumur er rofinn kl. 10.45—12.00 og kl. 18.30—19.45.

Heimilt er jafnhliða þessu ákvæði að selja raforkuna, skv. 2. tl. 8. gr., enda skal þá fastagjald vera kr. 834.00 á ári fyrir eins herbergis íbúð og kr. 384.00 að auki fyrir hvert herbergi, sem þar er fram yfir, allt að kr. 2370.00 á ári.

Selja má raforku skv. 1. mgr. þessa liðar án klukkurofa, þar sem raforkan er notuð til hitunar á neytluvatni, stórra kæliklefa og fyrir vatnsdælur í íbúðarhúsum.

3. Kr. 0.27 hver kwst., sem seld er um kwst.mæli, ef straumurinn er rofinn með klukkurofa, kl. 10.00—12.00 og 2 klst. á tímanum kl. 17.00—21.00.
4. Kr. 0.17 hver kwst., sem seld er um kwst.mæli, ef straumurinn er rofinn með klukkurofa kl. 9.00—21.00, enda séu fyrir hendi nægilega stórir hitageymar til dagsnotkunar. Þegar um er að ræða hitun á húsrými, sem stærra er en 2000 rúmm. eða aðra hliðstæða notkun á afli, er heimilt að láta raforku í té á tímanum kl. 12.30—15.30.
5. Kr. 0.23 hver kwst., sem seld er um tvígjaldsmæli á tímabilinu kl. 22.00—9.00 og kr. 0.87 hver kwst., sem seld er á tímabilinu kl. 9.00—22.00.

Heimilt er að selja raforku til vélareksturs skv. þessum lið, ef um meira en 5 kw. afl er að ræða og árlegur notkunartími meira en 500 kst., en rjúfa ber þá strauminn með klukkurofa á tímabilinu kl. 10.45—12.00.

11. gr.

Rafmagnsstjóri má, með samþykki borgarráðs, selja raforkuna eftir sérstökum samningi.

Rafmagnsstjóra er heimilt að setja sérstök skilyrði um raforkusölu til ígrípa-notkunar fleiri en eins aðila um sama mæli, svo sem um hafnarskápa, og annars staðar þar sem hann telur þess þörf, þar með talið að krefjast fyrirframgreiðslu og tengigjalds.

Rafmagnsstjóra er heimilt að ákveða sérstakt gjald fyrir launafl. hjá þeim notendum, sem kaupa orku samkv. aflgjaldskrá.

12. gr.

Borgarstjórn ákveður gjald fyrir götu- og hafnarlýsingu.

13. gr.

Fyrir hver full 5%, sem kaupgjald hjá Rafmagnsveitu Reykjavíkur hækkar eða lækkar, hvort heldur er sökum breytinga á kaupgjaldsvísitölu eftir 1. marz 1959 eða grunnkaupi, er heimilt að hækka eða lækka raforkureikninga Rafmagnsveitunnar um 4%. Telji borgarstjórn Reykjavíkur nauðsyn á, að ráðstafanir séu gerðar til að draga úr rafmagnsnotkun, er henni m. a. heimilt að hækka rafmagnsverðið á notkun umfram meðalnotkun í hverjum gjaldskrárlið allt að 10-földu verði. Í út-reikningi meðalnotkunar skal tekið tillit til orku- og aflþarfar.

V. KAFLI

Ýmis ákvæði.

14. gr.

Nú er notuð heimild til að rjúfa straum á veitu vegna vanskila notanda með greiðslu gjalda, skv. gjaldskrá þessari, og skal þá taka gjald, kr. 25.00, fyrir að setja á straum að nýju.

15. gr.

Ef í ljós kemur við skoðun, að notuð eru óleyfileg vör eða of stór, skal loka veitunni tafarlaust, og er ekki heimilt að opna hana að nýju, fyrr en notandi hefur greitt gjald, kr. 100.00, til rafmagnsveitunnar.

16. gr.

Skilyrði fyrir sölu raforku til hitunar, skv. 10. gr. eru þau, að vélaafl, götulinur og spennar þoli álagið að dómi rafmagnsstjóra, notandi kosti tengingu klukku-rofa og búnaði öllum sé hagað, skv. fyrir mælum rafmagnsstjóra.

17. gr.

Í útreikningi á fjölda herbergja í íbúð skal aðeins telja stofur og svefnherbergi o. þ. h., en ekki eldhús. Herbergi minna en 5 m² skal telja sem hálf, en þar sem herbergjastærð fer fram úr 25 m², skal reikna hverja byrjaða 25 m² sem eitt herbergi. Þar sem meðalstærð herbergja í íbúð er minni en 10 m², má reikna með þeirri meðalstærð. Þegar heildartala herbergja hefur verið reiknuð út samkvæmt þessu, skal hún hækkuð upp í heila næstu tölu, ef stendur á hálfu.

18. gr.

Söluskattur er talinn með í upphæð gjalda þeirra, sem um ræðir í gjaldskrá þessari.

19. gr.

Rafmagnsveitan leiðbeinir gjaldendum, er þess óska, um val gjaldskrárliða eftir tegund notkunar.

20. gr.

Gjaldskrá þessi öðlast gildi þegar í stað.

Bráðabirgðaákvæði um framkvæmd gjaldskrárbreytingarinnar.

Verðhækkun sú, sem fólgin er í gjaldskrá þessari, skal framkvæmd samkv. eftirfarandi reglum:

1. Notkun samkvæmt álestri í næsta mánuði eftir gildistöku gjaldskrárinnar, skal greidd eftir eldri gjaldskrá með

4.0%	álagi á taxa	skv. A-lið
2.0%	— — — —	B-lið
4.5%	— — — —	C-lið
3.0%	— — — —	D- og E-liðum.

2. Notkun samkvæmt álestri í öðrum mánuði eftir gildistöku gjaldskrárinnar skal greidd samkvæmt eldri gjaldskrá með

8.0%	álagi á taxa	skv. A-lið
4.0%	— — — —	B-lið
9.0%	— — — —	C-lið
6.0%	— — — —	D- og E-liðum.

3. Notkun samkvæmt álestri í þriðja mánuði eftir gildistöku gjaldskrárinnar, skal reiknuð á einingarverði gjaldskrár þessarar og síðan öll notkun úr því.

4. Þar sem álestur fer fram mánaðarlega, skal notkun samkvæmt álestri í næsta mánuði eftir gildistöku gjaldskrárinnar reiknuð á einingarverði gjaldskrár þessarar, og síðan öll notkun úr því.

Gjaldskrá þessi, sem bæjarstjórn Reykjavíkur hefur samið og samþykkt, staðfestist hér með samkvæmt vatnalögum nr. 15 20. júní 1923, og raforkulögum nr. 12 2. apríl 1946, og birtist til eftirbreytni öllum þeim, sem hlut eiga að máli.

Jafnframt fellur úr gildi gjaldskrá um sama efni nr. 210 30. nóvember 1960, ásamt síðari breytingum.

Atvinnumálaráðuneytið, 30. desember 1963.

Gunnar Thoroddsen.

Þorv. K. Þorsteinsson.

REGLUGERÐ

um gjöld fyrir skoðun skipa o. fl.

1. gr.

Fyrir árlega aðalskoðun á búnaði, vél og bol skips skal eigandi þess greiða í ríkissjóð sem hér segir:

Fyrir opinn bát	kr.	200
— — — með vél	—	300
— þilfarsskip minna en 15 rúml.	—	800
— — 15 rúml. allt að 30 rúml.	—	1200
— — 30 — — 50 —	—	1600
— — 50 — — 100 —	—	2000
— — 100 — — 200 —	—	2800
— — 200 — — 300 —	—	3400
— — 300 — — 400 —	—	4000
— — 400 — — 800 —	—	4800
— — 800 — — 1200 —	—	5000
— — 1200 — — 2000 —	—	6000
— — 2000 — — 5000 —	—	7000
— — 5000 — og stærri	—	8000

Hálf rúmlest eða meira telst heil, en minna broti skal sleppt.

Fyrir skoðun skipa, sem eru í flokki hjá viðurkenndu flokkunarfélagi og eru stærri en 400 brl., skal greitt hálf gjald samkvæmt þessari grein, enda sé þá aðeins um búnaðarskoðun að ræða.

2. gr.

Fyrir sérstaka aukaskoðun skal greiða samkvæmt reikningi eftirlits eða skoðunarmanns, að viðbættum 30%.

3. gr.

1. Fyrir eftirlit með smíði tréskipa eða óflokkaðra stálskipa, sem smíðuð eru innanlands, skal greiða fjórfallt gjald samkvæmt 1. gr.
2. Fyrir eftirlit með smíði skipa erlendis skal greiða útlagðan eftirlitskostnað hverju sinni samkvæmt reikningi, að viðbættum 30% til Skipaskoðunar ríkisins. Þó skal skipaskoðunarstjóra heimilt að fella 30% álagið niður af ferðakostnaði þar sem hann ekki skiptist á minnst fimm skip. Sama gildir um viðgerðir eða breytingar skipa ytra.